



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

2. Phœbi seu Solis encomium.

[urn:nbn:de:hbz:466:1-68709](#)

II. (i) Jam quod idem sit in Parnasso Mūsarūm Præses, & in cœlo Rex Planetarū, scilicet Sol, liquidi Fons luminis, Lux publica mundi, Oculus, Mens, ut eum Tullius appellat pulcherrimā analogiā, ad virtutis ac Sapientiæ studium transfertur. Plinius de Sole, lib. 2. c. 6. ita scribit: Septem siderum, quæ ab incessu vocamus Errantia, cū errent nulla minus illis, Medius Sol fertur amplissima potestate ac vi: nec temporū modò terrarūmque, sed siderum etiam ipsorum, cœlique rector. Hunc Mundi esse totius animam ac mentem, hunc principale naturæ regimen ac numen credere decet, opera ejus æstimantes. Hic lucem rebus ministrat, aufertque tenebras: hic reliqua sidera occultat: hic vices temporum, annūmque semper renascentem ex usu naturæ temperat: cœli tristitiam discutit, atque etiam humani nubila anni serenat: hic suum lumen cæteris quoque sideribus foenerat, præclarus, eximius, omnia intuens, & omnia etiam exaudiens. Hactenus Plinius. Ejusdem Solis seu Phœbi laudator est Benedictus Pererius in cantic. trium pueror. Omnis quidem, ait, mundi hujus structura cunctis numeris absoluta, tanquam ad regulam facta, & ad lineam respondens, cogit sui spectatores & contemplatores, Deum opificem omnium agnoscere ac venerari. Sed nihil est omnium, quæ aspectu sentiuntur, præclarus, admirabilis, & divinæ potestatis ac magnificentiæ illustrius monumentum, quam Sol, dux & moderator cunctorum siderum, omniumque caducarum rerum procreator & conservator. Nihil enim est eo vel aspectu pulchrior, vel efficacitate potentius, vel usu & utilitate copiosius. Hic namque tenebras fugat, rerum colores vel facit, vel ostendit, cuncta exhilarat, omnium animantium oculos atque animos insatiabili voluptate complet, & mundo salutarem, maximèque vitalē, ac cunctas augentem naturas, nutricantem, sensuque afficientem calorem largitur. Hæc ille. Meritò Ecclesiasticus c. 43. Solem vocat vas admirabile, opus Excelſi. Quia Deum non tantum clarè repræsentat, sed divinitatis ejus thesauros in omnia creata liberaliter effundit & dispertit. Nos pro ratione propositi nostri Phœbum primò ad laudabilem Principem, tum ad Sapientiam seu virum sapientem applicabimus.

III. (k) Ad laudes Principis quod attinget, i. Merito Soli comparatur. Primus Persarum Rex dictus est Cyrus, id est, Sol. Sicut enim Sol oriens in suo quasi curru & solio gloriose residens, fugat tenebras, feras, fures, homicidas, adulteros, alique scelitos, lucifugas & nebriones; sic rex justitia ac sapientia praeditus, providentia sua, ac

(i) *Encomium Solis.* (k) *Analogia inter Solem & Principem.*

Aaaa z quasi